

四庫全書

史部

欽定四庫全書

史部

明會典卷一百四十九至
五十三

詳校官編修臣裴謙

編修臣程嘉謨覆勘

總校官知縣臣繆琪

校對官中書臣方大川

謄錄監生臣汪承泰

欽定四庫全書

明會典卷一百四十九

工部三

儀仗二

大駕鹵簿

大輅一乘高二丈三尺九寸五分闊八尺二寸五分面

在池四尺一寸五分

輅上平盤前後車檣各鴈翅及四垂如意滴珠板其下輅

二條皆硃紅漆轆各長二丈二尺九寸五分鍍金銅龍頭
龍尾龍鱗葉片裝釘前施硃紅油象塔攀皮一條平盤下
方箱四面硃紅漆匡各十有二隔內飾綠地描金繪獸六
麟獅犀象天馬天鹿禽六鸞鳳孔雀朱雀雉鶴盤左右下
有護泥板及車輪二貫軸一每輪十有八條周圍輞全皆
硃紅漆抹金銅鈹花葉片裝釘輪內車心各一用抹金銅
鈹蓮花瓣輪盤裝釘軸首左右各用漆貼金減鐵龍頭挿
拴一箇以抹金銅鈹龍頂管心裝釘軸中纏黃絨駕轆等

索輅亭高六尺七寸九分四柱長五尺八寸四分檻座
高九寸五分皆硃紅漆前二柱戩金柱首寶相花中
雲龍文下龜文錦門高五尺一寸九分闊二尺四寸
九分左右門闊二尺二寸五分其上四周粧雕木沉
香色描金香草板十二片前并左右硃紅漆榻二扇
明欵全以抹金銅釵花葉片裝釘榻編黃線條穿後
硃紅漆屏風上雕沉香色描金雲龍五上硃紅漆板
戩金雲龍一屏後俱沉香色地上四榻雕描金雲龍

四其次雲板如其數下三榻雕描金雲龍三其次雲板亦如之俱抹金銅釵花葉片裝釘亭內編黃線條穿硃紅漆匡軟座黃絨墜座大索四條座下蓮花墜石軟座上施花毯大紅錦褥并席硃紅漆坐椅一座其上靠背雕以沉香色描金雲龍一下雕雲板一片硃紅漆福壽板一并褥椅中黃織金椅靠坐褥四圍椅裙全周圍施黃綺幃幔或用黃線羅亭外用青綺緣邊硃紅簾一十扇各用拽簾黃線圓條二條黃銅

圈全

輅頂并圓盤高三尺一分又鍍金銅蹲龍頂帶仰覆蓮座高一尺二寸九分垂攀頂黃線圓條四條盤高一寸九分上以硃紅漆其下外四面沉香色地描金雲內四角青地繪五彩雲以青飾輅蓋亭內周圍貼金斗拱承硃紅漆匡寶蓋闕以八頂冒以黃綺謂之黃屋頂心并周圍繡五彩雲龍九

天輪三層皆硃紅漆上安雕木貼金邊耀葉板八十

一片內綠地雕木貼金雲龍文三層間繪五彩雲襯板八十一片盤下周圍黃銅釘裝上施黃綺瀝水三層每層八十一摺間繡五彩雲龍文四角垂青綺絡帶四條各繡五彩雲升龍三圓盤四角連輅座板用攀頂黃線圓條四條并貼金木魚

輅亭前有左右轉角闌干二扇後一字帶左右轉角闌干一扇皆硃紅漆內嵌雕木貼金龍間以五彩雲三扇計一十二柱各柱首雕木貼金蹲龍一及線金

五彩粧蓮花抱柱闌干內四周布花毯

太常旗二面在輅亭後左右用黃線羅夾為旗每面
十有二旂每旂內外繡升龍一硃紅漆攢竹旗竿二
左竿旗腰繡日月北斗竿首用鍍金銅龍頭右竿旗
腰繡蔽字竿首用鍍金銅戟每竿綴抹金銅鈴二垂
紅纓十有二纓上施抹金銅寶蓋下垂青線帔鍔

踏梯一硃紅漆以抹金銅釵花葉片裝釘

行馬架二硃紅漆其上黃絨匾條用抹金銅葉片裝

釘鐵搭鈎全

黃絹幘衣即遮塵油絹雨衣并青氊衣各一座

硃紅油合扇梯一副硃紅油托叉一件

抹金銅寶瓶并象鞍鞦轡氊籠各二副

玉輅一乘高一丈三尺九寸五分闊八尺二寸五分

輅上平盤前後車櫺并鴈翅及四垂如意滴珠板其

下轅二條皆硃紅漆轅長一丈二尺九寸五分鍍金

銅龍頭龍尾龍鱗葉片裝釘前施硃紅油象搭攀皮

一條平盤左右下護泥板及車輪二貫軸一每輪輻
十有八條皆硃紅漆周圍輞全各以抹金銅釵花葉
片裝釘輪內車心各一用抹金銅釵蓮花瓣輪盤裝
釘軸首左右各用漆貼金減鐵龍頭挿拴一箇以抹
金銅釵龍頂管心裝釘軸中纏黃絨駕轅等索面至
地四尺一寸五分

輅亭高六尺七寸九分硃紅漆四柱各長五尺八寸
四分前二柱有搏換貼金升龍檻座高九寸五分門

高五尺一寸九分闊二尺四寸九分左右門闊二尺
二寸五分其上四周粧雕木沉香色描金香草板十
二片前并左右各硃紅漆榻二扇明杌全俱以抹金
銅釵花葉片裝釘榻編黃線條穿後硃紅漆屏風上
雕沉香色描金雲龍五屏後下三榻雕木沉香色描
金雲龍三下雕雲板如其數俱抹金銅釵花葉片裝
釘亭內編黃線條穿硃紅漆匡軟座黃絨墜座大索
四條座下蓮花墜石軟座上施花毯大紅錦褥并席

硃紅漆坐椅一座其上靠背雕以沉香色描金雲龍
一下雕雲板一片硃紅漆福壽板一并褥椅中黃織
金綺靠坐褥四圍椅裙全周圍施黃綺幃幔或用黃
線羅亭外青綺緣邊硃紅簾一十扇各用拽簾黃線
圓條二條黃銅圈全

輅頂并圓盤高三尺一分又鍍金銅蹲龍頂帶仰覆
蓮座高一尺二寸九分垂攀頂黃線圓條四條盤一
寸九分上以硃紅漆其下外四面沉香色地描金雲

內四角青地繪五彩雲以青飾輅蓋亭內周圍貼金斗拱承硃紅漆匡寶蓋闢以八項冒以黃綺謂之黃屋頂心并周圍繡五彩雲龍九

天輪三層皆硃紅漆上安雕木貼金遙耀葉板八十一片內青地雕木飾玉色雲龍文三層間繪五彩雲襯板八十一片盤下周圍黃銅釘裝上施黃綺瀝水三層每層八十一摺間繡五彩雲龍文四角垂青綺絡帶四條各繡五彩雲升龍二圓盤四角連輅座板

用黃線攀條四條并貼金木魚

輅亭前有左右轉角闌干二扇後一字帶左右轉角
闌干一扇皆硃紅漆內嵌雕木貼金龍間以五彩雲
三扇計一十二柱各柱首雕木貼金蹲龍一用線金
五彩粧蓮花抱柱闌干內四周布花毯

太常旗二面在輅亭後左右用黃線羅夾為旗每面
十有二旂每旂內外繡升龍一硃紅漆攢竹旗竿二
左竿旗腰繡日月北斗竿首用鍍金銅龍頭右竿旗

腰繡蔽字竿首用鍍金銅戟每竿綴抹金銅鈴二垂
紅纓十有二纓上拖抹金銅寶蓋下垂青線帔鍔
踏梯一硃紅漆以抹金銅釵花葉片裝釘

行馬架二硃紅漆其上黃絨匾條用抹金銅葉片裝
釘鐵搭鈎全

黃絹幘衣即遮塵油絹雨衣并青氊衣各一座

硃紅油合扇梯一副硃紅油托叉一件

抹金銅寶瓶并象鞍鞦轡氊籠各二副

大馬輦一乘高一丈二尺五寸九分闊八尺九寸五分輦上平盤板前後車檣并鴈翅及四垂如意滴珠板其下轆三條皆硃紅漆轆各長二丈五寸九分用鍍金銅龍頭龍尾龍鱗葉片裝釘前施珠紅油馬搭攀皮一條平盤左右下護泥板及車輪二貫軸一每輪輻十有八條皆硃紅漆周圍輞全各以抹金釵花銅葉片裝釘輪內車心各一用抹金銅釵蓮花瓣輪盤裝釘軸首左右各用漆貼金戒鐵龍頭挿拴一箇以

抹金銅釵龍頂管心裝釘軸中纏黃絨駕轅等索面
至地三尺四寸五分

輦亭高六尺四寸九分硃紅漆四柱各長五尺五寸
四分檻座高九寸五分其上四周硃紅漆條環板門
高五尺九分闊二尺四寸五分左右門闊二尺二寸
五分前并左右各榻二扇後榻三扇明杌全皆硃紅
漆抹金銅釵花葉片裝釘榻心編黃線條穿亭內編
黃線條穿硃紅漆匡軟座黃絨墜座大索四條座下

蓮花墜石軟座上施紅毯紅錦褥并席硃紅漆座椅
一座其上靠背雕沉香色描金雲龍一下雕雲板一
片硃紅漆福壽板一并褥椅中黃織金綺靠坐褥四
圍椅裙全周圍施黃綺幃幔或用黃線羅亭外用青
綺緣邊硃紅簾一十二扇各用拽簾圓條二條黃銅
圈全

輦頂并轅盤高二尺六寸五分又鍍金銅蹲龍頂帶
仰覆蓮座高一尺二寸九分垂攀頂黃線圓條四條

盤上下俱硃紅漆以青飾輦蓋內寶蓋硃紅漆木匡
闌以八頂冒以黃綺謂之黃屋頂心并周圍繡五彩
雲龍九

天輪三層皆硃紅漆上安雕木貼金邊耀葉板計八
十一片內飾綠地雕木貼金雲龍丈三層間繪五彩
雲襯板八十一片盤下周圍黃銅釘裝上施黃綺漚
水三層每層八十一摺間繡五彩雲龍丈四角垂青
綺絡帶四條各繡五彩雲升龍三圓盤四角連輦座

板用攀頂黃線圓條四條并貼金木魚

輦亭前一字闌干一扇後一字帶轉角闌干一扇左
右闌干二扇內嵌條環板皆硃紅漆四扇計一十四
柱各柱首雕木貼金蹲龍一用線金五彩粧蓮花抱
柱前闌干內布紅毯一

太常旗二面在輦亭後左右用黃線羅夾為旗每面
十有二旂每旂內外繡升龍一硃紅漆攢竹旗竿二
左竿旗腰繡日月北斗竿首用鍍金銅龍頭右竿旗

腰繡散字竿首用鍍金銅戟每竿綴抹金銅鈴二垂
紅纓十有二纓上施抹金銅寶蓋下垂青線帔鍔
踏梯一硃紅漆以抹金銅釵花葉片裝釘

行馬架三硃紅漆其上黃線匾條用抹金銅葉片裝
釘鐵搭鈎全

黃絹幘衣即遮塵油絹雨衣并青氈衣各一座

硃紅油合扇梯一副硃紅油托叉一件

馬鞍韉鞞轡鈴纓全

小馬輦一乘高一丈一尺五寸九分闊七尺九寸五分輦上平盤前後車檣并鴈翅及四垂板其下輦二條皆硃紅漆輾各長一丈九尺五分用鍍金銅龍頭龍尾龍鱗葉片裝釘前施硃紅油馬搭攀皮一條平盤左右下護泥板及車輪二貫軸一每輪輻十有八條皆硃紅漆周圍輞全各以抹金釵花銅葉片裝釘輪內車心各一用抹金銅釵蓮花瓣輪盤裝釘軸首左右各用漆貼金戒鐵龍頭挿拴一箇以抹金銅釵龍

頂管心裝釘軸中纏黃絨駕轅等索面至地三尺四寸五分

輦亭高五尺五寸九分硃紅漆四柱各長五尺四寸五分檻高一寸四分其上四圍硃紅漆條環板門高五尺闊二尺二寸五分左右門闊二尺一寸九分前并左右各硃紅漆榻二扇明杌全抹金銅釵花葉片裝釘榻心編黃線條穿後硃紅漆屏風壁板周圍俱用抹金銅釵花葉片裝釘亭底硃紅漆板上施紅花

毯紅錦褥并席硃紅漆坐椅一座其上靠背雕以沉香色描金雲龍一下雕雲板一片硃紅漆福壽板一并褥椅中黃織金綺靠坐褥四圍椅裙全周圍施黃綺幃幔或用黃線羅亭外用青綺緣邊硃紅簾四扇各用拽簾黃線圓條二條黃銅圈全

輦頂并圓盤高二尺五寸五分又鍍金銅寶珠頂帶仰覆蓮座高一尺二寸九分垂攀頂黃線圓條四條盤上下皆硃紅漆以青飾輦蓋內寶蓋硃紅漆匡闔

以八項冒以黃綺謂之黃屋頂心并周圍繡五彩雲龍九圓盤下用黃綺幃幔四扇或用黃線羅

天輪三層皆硃紅漆上安雕木貼金邊耀葉板計八十一片內飾綠地貼金雲龍文三層間繪五彩雲觀板八十一片盤上周圍黃銅釘裝上施黃綺瀝水三層每層八十一摺間繡五彩雲龍四角垂青綺絡帶四條繡五彩升雲龍二圓盤四角連輦座板用攀頂黃線圓條四條并貼金木魚

輦亭前一字闌干一扇後一字帶轉角闌干一扇左
右闌干二扇內嵌條環板皆硃紅漆四扇計一十四
柱各柱首雕木貼金蹲龍一用線金五彩粧蓮花抱
柱前闌干內布花毯太常旗二面在輦亭後左右用
黃線羅夾為旗每面十有二旂每旂內外繡升龍一
硃紅漆攢竹旗竿二左竿旗腰繡日月北斗竿首用
鍍金銅龍頭右竿旗腰繡敔字竿首用鍍金銅戟各
竿綴抹金銅鈴二并紅纓十有二纓上各施抹金銅

寶蓋下垂青線帔鍔

踏梯一硃紅漆以抹金銅釵花葉片裝釘

行馬架二硃紅漆其上黃絨匾條用抹金銅葉片裝釘鐵搭鈎全

黃絹幘衣即遮塵油絹雨衣并青氈衣各一座

硃紅油合扇梯一副硃紅油托叉一件

鞍韉鞦轡鈴纓全

步輦高一丈二尺二寸五分座高三尺二寸五分方闊

八尺二寸五分

輦座用硃紅漆其下四面雕木五彩雲渾貼金龍板
十二片間以渾貼金仰覆蓮座其下雕木線金五彩
雲板二十片座下硃紅漆轅四條中二條各長三丈
五尺九寸左右二條各長二丈九尺五寸九分每轅
以鍍金銅龍頭龍尾裝釘

輦亭高六尺三寸九分四柱各長六尺二寸五分檻
高一寸四分皆硃紅漆其上四圍雕木沉香色描金

香草板十二片抹金銅釵花葉片裝釘門高五尺七寸九分闊二尺四寸五分左右二門闊二尺三寸五分前并左右各硃紅漆十字榻二扇雕飾沉香色描金雲龍板八片其下雲板如其數後硃紅漆屏風上雕沉香色描金雲龍五屏後雕沉香色描金雲龍板三片又雲板如其數俱用抹金銅釵花葉片裝釘亭內施紅花毯大紅錦褥并席硃紅漆坐椅一座其上靠背雕以沉香色描金雲龍一下雕雲板一片硃紅

漆福壽板一并褥椅中黃織金綺靠坐褥四圍椅裙
全周圍施黃綺幃幔或用黃線羅亭外用青綺緣邊
硃紅簾一十扇各用拽簾黃圓條二條黃銅圈全

輦頂并圓盤高二尺六寸一分又鍍金銅蹲龍頂帶
仰覆蓮座高一尺二寸九分垂攀頂黃線圓條四條
盤上下硃紅漆以青飾輦蓋內硃紅漆匡闌以八頂
冒以黃綺謂之黃屋頂心并周圍繡五彩雲龍九

天輪三層皆硃紅漆上安雕木貼金邊耀葉板八十

一片內飾以綠地貼金雲龍丈三層間繪五彩雲襯板八十一片盤下周圍黃銅釘裝上施黃綺瀝水三層每層八十一摺間繡五彩雲龍丈四角垂青素綺絡帶四條各繡五彩雲升龍二圓盤四角連輦座板用攀頂黃線圓條四條并貼金木魚

輦亭前有硃紅漆左右轉角闌干二扇後一字帶左右轉角闌干一扇各嵌雕木貼金龍間以五彩雲三扇計一十二柱柱首各雕木貼金蹲龍一用線金五

彩粧蓮花抱柱闌干內四周布紅花毯

踏梯一硃紅漆以抹金銅釵花葉片裝釘

硃紅油合扇梯一副硃紅油托叉一件

黃絹幃衣即遮塵油絹雨衣并氈衣各一座

大涼步輦一乘高一丈二尺五寸九分

輦座硃紅漆座板并四面硃紅漆匡粧青地雕木五

彩雲粧板二十片間以貼金仰覆蓮座其下硃紅漆

如意條環板如其數座下硃紅漆轅六條中二條各

長四丈三尺五寸九分左右二條各長四丈九分左
右二邊二條各長三丈六尺五寸九分前後俱飾以
雕木漆貼金龍頭龍尾座高三尺二寸五分方闊一
丈二尺五寸九分

輦亭高六尺五寸九分闊八尺五寸九分四柱以硃
紅漆門高五尺八寸九分闊二尺五寸九分左右二
門闊同其上四周沉香色描金香草板十二片前并
左右各有榻二扇後榻三扇明杌全皆硃紅漆通編

黃線條穿輦板上施墊氈加紅錦褥并席硃紅漆坐
椅一座坐下四面雕木沉香色描金寶相花其上靠
背雕沉香色描金雲龍一下雕雲板一片硃紅漆福
壽板一井褥椅中黃織金綺靠坐褥四圍椅裙全周
圍施黃綺幃幔或用黃線羅內設硃紅漆卓二隻硃
紅漆闌干香卓一座闌干四柱各柱首雕木貼金蹲
龍一鍍金銅龍蓋香爐一井香匙筋瓶內設大紅錦
墩一對亭外青綺緣邊硃紅簾三扇各用拽簾黃線

圓條二條黃銅圈全

輦頂高二尺七寸五分又鍍金銅寶珠頂帶仰覆蓮座高一尺三寸二分垂攀頂黃線圓條四條頂用硃紅漆上冒紅氊四垂以黃氊為如意雲黃氊緣條周圍施黃綺瀝水三層每層一百三十二摺間繡五彩雲龍丈或用大紅羅冒頂用黃羅為如意雲緣條瀝水亦用黃羅頂下周圍以紅氊為幃黃氊緣條四角鍍金銅雲四朶亭內寶蓋繡五龍頂以硃紅漆木匡

冒以黃綺謂之黃屋頂心并四圍繡雲龍各一輦亭
四角至輦座用攀頂黃線圓條四條并貼金木魚

輦亭前左右硃紅漆轉角闌干二扇後一字帶轉角
闌干一扇皆雕木渾貼金龍間以五彩粧雲板三扇
計一十二柱各柱首雕木貼金蹲龍一用線金五彩
粧蓮花枹柱闌干內四周布席

踏梯一硃紅漆以抹金銅釵花葉片裝釘

硃紅油合扇梯一副硃紅油托叉一件

黃絹幘衣即遮塵油絹雨衣并氈衣各一座

紅板轎一乘高六尺九寸五分轎頂高一尺六寸五分
硃紅漆近頂裝圓匡蜎殼窻在上鍍金銅火焰寶珠
帶仰覆蓮座高六寸九分四角鍍金銅雲朵轎扛二
條前後以鍍金銅龍頭龍尾裝釘黃絨墜角索全四
圍硃紅漆板左右門二扇高四尺五寸九分用鍍金
銅釘鉸事件轎內硃紅漆坐椅一座福壽板一并褥
椅內黃織金綺靠坐褥四圍椅裙全下鋪席并踏褥

黃絹轎衣并油絹雨衣各一座又青氊衣一座紅氊
緣條雲子全

明會典卷一百四十九

欽定四庫全書

明會典卷一百五十

工部四

儀仗三

中宮鹵簿

紅杖一對硃漆攢竹為杖銅裹兩末長四尺九寸

清道旗一對純青質硃漆攢竹竿通長一丈二尺五寸

貼金木鎗頭長一尺七寸銅束

黃麾一對每把硃漆攢竹竿帶貼金銅鳳頭共長一丈二尺五寸內鳳頭并鉤一尺銜抹金銅頂大紅羅幡長六尺三寸闊五寸五分內青額金書黃麾二字四角紅羅蓋高七寸五分圍二尺七寸五分四角加抹金鳳頭四箇絨線繫抹金銅珮一十六箇銅鈴三十六箇寶蓋下綠羅腰黃羅三簷飾銷金雲鳳文旂用描金鸞鳳文下綴五色板凡麾幢旂節等挑竿銅鳳頭俱以鐵為鉤絳引旂三對硃漆攢竹竿帶貼金銅鳳頭共長一丈二

尺五寸內鳳頭鈎一尺旛用五色羅長六尺三寸闊
五寸五分四角寶蓋高七寸五分圍二尺七寸五分
綠腰紫三簷銷金雲鳳丈共長一尺九寸抹金鳳頭
四箇抹金銅珮一十六箇其蓋上有抹金銅頂釵花
丈旛下垂五色板銅珮間銅鈴三十六箇

傳教旛二對與絳引旛制同惟三簷用綠垂紅羅旛中
有黃額內青傳教二字四垂絨線繫抹金銅珮四銅
鈴三十二

告止旛二對與傳教制同惟三簷用青黃額內青告止
二字

信旛二對與傳教旛制同惟三簷用黃額內青信字

龍頭竿五對硃漆攢竹竿帶貼金竿頭共長一丈二尺
五寸內竿頭二尺五分旛用青羅長六尺三寸闊五
寸五分旛下銅鈴五箇紅蓋高七寸五分圍二尺七
寸五分紫腰紅三簷共長一尺九寸抹金銅鳳頭五
箇下垂絨線繫抹金銅珮十箇銅鈴一十五箇簷用

銷金雲鳳文旛上節描銀下節描金俱香草文中節
描金孔雀文其蓋五角上施抹金銅頂釵花文

儀鎗斃五對硃漆攢竹竿帶貼金儀鎗通長一丈二尺
五寸五分內儀鎗并竿頭一尺三寸五分抹金銅頂
垂斃用五色羅長六尺三寸闊五寸五分下有銅鈴
五箇

戈斃五對硃漆攢竹竿通長一丈二尺五寸帶貼金木
龍頭承戈長一尺六寸二分繫木板粉面畫升降雙

鳥綴五色羅氅長六尺三寸闊五寸五分末綴銅鈴
五箇

戟氅五對與戈氅制同惟貼金木龍頭承戟長一尺七
寸五分

梧杖三對硃漆攢竹杖貼金兩末通長六尺九寸五分
立瓜三對硃漆攢竹柄貼金立瓜置其首承以貼金龍
頭通長六尺九寸內瓜及龍頭長一尺四寸

卧瓜三對與立瓜制同但瓜卧置其首瓜及龍頭長一

尺二寸五分

儀力三對刻木為刀鞘及靶貼金鳳文為飾垂紅絲帔
鍔其鳳文貼銀為地

班劍三對刻木為劍其上有靶靶下有龍頭銜劍皆貼
金為飾垂紅絲帔鍔

鐙杖三對硃漆攢竹杖貼金木鐙置其首承以貼金龍
頭通長六尺九寸內鐙并龍頭一尺六寸

金鉞三對硃漆攢竹柄貼金木斧形置其首承以貼金

龍頭通長六尺九寸內金鉞并龍頭長一尺六寸五分

骨朶三對硃漆攢竹柄貼金木骨朶置其首承以貼金龍頭長六尺九寸內骨朶并龍頭長一尺六寸

響節六對貼金攢竹柄長一丈二寸五分以鐵條貫銅鐵錢十二置其上一尺二寸五分黃羅為衣籠之長一尺五寸銷金雲鳳文節頂以木為之貼金飾其銅錢丈天下太平

羽葆幢二對硃漆攢竹竿長一丈二尺五寸五分帶貼金銅鳳頭鈎長一尺銜抹金銅索并圓頂綴白鳥羽綠羅蓋簇染紅犛牛尾凡五層繫而垂之每層上施抹金銅頂綠斜皮雲蓋下懸銅鈴

紫方傘二把傘骨面闊并頂五尺五寸傘柄并貼金木葫蘆共長一丈一尺五寸九分其面冒以紫羅垂紫三簷傘頂四角抹金銅鳳頭凡傘柄俱用竹加紅油間纏以藤惟曲柄傘硃紅漆攢竹為之

金
紅方傘二把傘骨面闊并頂五尺五寸傘柄并貼金木
葫蘆共長一丈一尺五寸九分其面冒以紅羅垂紅
三簷傘頂四角抹金銅鳳頭

黃銷金傘一把傘骨面闊并頂四尺二寸五分傘柄并
貼金木葫蘆共長一丈一尺二寸九分其面冒以黃
羅銷金雲文垂黃三簷銷金雲鳳文

黃繡曲柄傘二把傘骨面闊并頂四尺二寸五分傘柄
并貼金木葫蘆共長一丈一尺二寸九分其面冒以

黃羅繡雲文垂黃三簷繡雲鳳文當曲柄處用鐵心貼金龍頭承傘

紅繡傘一把傘骨面闊并頂四尺二寸五分傘柄并貼金木葫蘆共長一丈一尺二寸九分其面冒以紅羅繡雲文垂紅三簷上簷雲鳳下二簷瑞草文

紅素圓傘二把傘骨面闊并頂四尺二寸五分傘柄并貼金木葫蘆共長一丈一尺二寸九分其面冒以紅羅垂紅三簷

紅繡雉方扇六把扇及柄通高一丈一尺二寸內扇連
黑漆板高三尺五寸二分內板五寸扇下闊二尺四
寸五分中闊二尺六寸五分面用紅羅繡鸞鳳花文
背用青羅銷金團花文面風衣白羅繡雉尾背風衣
用青素羅板餞金雲文扇柄用攢竹加黑漆青方扇

同

紅繡花圓扇六把扇及柄通高二丈一尺二寸內扇見
圓三尺三寸五分面用紅羅繡四季花背用紅羅銷

金團鳳文風衣俱用紅素羅扇柄用攢竹加硃漆紅黃素扇柄同

青繡方扇四把孔雀翎邊扇及柄通高一丈一尺二寸扇高二尺九寸五分闊二尺五寸五分面背俱用青線羅邊用孔雀尾面繡鸞鳳花文背繡金團花文

紅羅素圓扇六對扇及柄通高一丈一尺二寸內扇見圓高三尺三寸五分面背并風衣俱用紅羅

黃羅素圓扇六對扇及柄通高一丈一尺二寸內扇見

圓高三尺三寸五分面背風衣俱用黃羅

拂子二把以紅纓為心素髯牛尾籠之黑漆柄垂紅絲
帔鍔今用馬尾為拂心用紅纓

紅紗燈籠二對硃油竹燈骨下有燭盤外以紅紗蒙之
及玉色紗蓋硃漆竿舉之竿首貼金木鳳頭其下鳳
尾

紅油紙燈籠一對硃油竹燈骨下有木座以竹絲為籠
加紅油紙硃漆竿加貼金木鳳頭并尾

魷燈一對用魷為之竿同紅紙燈硃油鐵燈骨下有木座

金交椅一把木質金葉裏金釘裝釘中鈹雲鳳文穿以黃絲匾條四垂黃絲帔鍔黃織金紵絲褙褱

金脚踏一箇木質金葉裏金釘裝釘鈹方勝花文黃織金紵絲踏褥

金水盆一箇黃金為之中鈹雲鳳文邊鈹香草文西洋布手巾一條

金水罐一箇黃金為之有盖有提小口巨腹

金香爐一箇黃金為之爐釵雲鳳文以硃紅漆竿舉之

竿首抹金銅鳳頭其下鳳尾

金香合一箇黃金為之盖釵鳳文邊釵香草文

金唾盂一箇黃金為之形圓如缶盖僅掩口下有盤釵

鳳文洪武年間停造

金唾壺一箇黃金為之小口巨腹有盖釵鳳文洪武年

間停造

行障二葉紅素綾為之瀝水繪瑞草障繪升降鸞鳳并雲文

坐障一葉紅素綾為之頂繪雲文障繪升降鸞鳳并雲文

輅一乘高一丈一尺三寸四分

輅上平盤板前後車樞并鴈翅四垂如意滴珠板其下轆三條皆硃紅漆轆各長一丈九尺六寸用抹金銅鳳頭鳳尾鳳翎葉片裝釘前施硃紅馬搭攀皮一

條平盤左右下護泥板及車輪二貫軸一每輪輻十有八條皆硃紅漆周圍輜全各以抹金釵花銅葉片裝釘輪內車轂各一用抹金銅釵蓮花瓣輪盤裝釘軸首左右各用紅漆鐵插拴一箇以抹金銅釵鳳頂管心裝釘軸中纏黃絨駕轅等索

輅亭高五尺八寸六分硃紅漆四柱各長五尺一寸檻座高六寸六分其上沉香色描金香草板十二片門高四尺五寸六分闊二尺四寸左右門闊二尺二

寸前并左右各上明下暗沉香色線金菱花榻二扇
下條環板明杓全抹金銅釵花葉片裝釘後硃紅漆
五山屏風餞金鸞鳳雲文屏上硃紅漆板餞金雲文
中粧雕木渾貼金鳳一屏後硃紅漆板俱用抹金銅
釵花葉片裝釘亭底硃紅漆板上施紅花毯紅錦褥
并席硃紅漆坐椅一座靠背雕木線金五彩粧鳳一
上下香草雲板各一硃紅漆福壽板一并褥椅中黃
織金綺靠坐褥四圍椅裙全周圍施黃綺幃幔或用

黃線羅亭外用青綺綠邊硃紅簾十二扇各用拽簾
黃線圓條二條黃銅圈全前二柱俱戩金其上寶相
花中鸞鳳雲文下龜文錦

輅頂并圓盤高二尺八分抹金銅立鳳頂帶仰覆蓮
座高九寸六分垂攀頂黃線圓條四條盤上硃紅漆
盤下外四周沉香色描金雲文其內青地五彩雲文
以青飾輅蓋內寶蓋硃紅漆匡闔以八頂冒以黃綺
頂心并周圍繡鸞鳳九并五彩雲文

天輪三層硃紅漆上安雕木貼金邊耀葉板七十二片內飾青地雕木五彩雲鸞鳳文三層間繪五彩雲襯板七十二片盤下周圍黃銅釘裝上施黃綺瀝水三層每層八十一摺間繡鸞鳳文四垂青綺絡帶四條繡鸞鳳各一圓盤四角連輅座板用攀頂黃線圓條四條并硃漆木魚

輅亭前後各有左右轉角闌干二扇內嵌條環板皆硃紅漆四扇計一十二柱各柱首雕木紅蓮花一用

線金青綠粧蓮花抱柱

踏梯一硃紅漆以抹金銅釵花葉片裝釘

行馬架三硃紅漆用抹金銅葉片裝釘鐵搭鈎全

黃絹幪衣即遮塵油絹雨衣并氈衣各一座

硃紅油合扇梯一副硃紅油托叉一件

安車一乘高九尺七寸六分

車上平盤板前後車櫺并鴈翅板下轅二條皆硃紅

漆轅各長一丈六尺七寸六分用抹金銅鳳頭鳳尾

鳳翎葉片裝釘前施硃紅油馬搭攀皮一條平盤左
右垂護泥板及車輪二貫軸一每輪輻十有八條皆
硃紅漆周圍輞全車轂各一軸首左右各用紅漆鐵
插拴一箇軸中纏黃絨駕轅等索

車亭高四尺四寸硃紅漆方柱四長同其上四圍裝
五彩花板十二片門高三尺七寸六分闊二尺二寸
六分左右門闊同前并左右各硃紅漆上明下暗十
字榻二扇後三山屏風屏後壁板俱硃紅漆用抹金

銅釵花葉片裝釘亭底硃紅漆板上施紅花毯紅綿褥周圍施黃綺幃幔或用黃線羅亭外用青綺緣邊硃紅簾四扇各用拽簾黃線圓條二條黃銅圈全車盖用硃紅漆高二尺六分抹金銅寶珠頂帶蓮座高六寸四角抹金銅鳳頭用攀條四條并紅漆木魚盖下施黃瀝水三層銷金鸞鳳文鳳頭下垂紅帔鍔踏梯一硃紅漆以抹金銅釵花葉片裝釘行馬架一硃紅漆用抹金銅葉片裝釘鐵塔鈎全

黃絹憶衣即遮塵油絹雨衣并羶衣各一座

明會典卷一百五十

欽定四庫全書

明會典卷一百五十一

工部五

儀仗四

洪武初定東宮儀仗

令旗一對青質紅令字硃漆攢竹竿長八尺二寸下有鐵纂
清道二對硃漆攢竹杖銅裹兩末長四尺九寸
幟弩一張并箭青幟蓋以帛為之

刀盾一十對盾以木為之盾畫獅子首加飾硃漆刀金飾綠鞞綠鞘紅緣垂青條并穗

弓箭二十副弓用竹為體木托靶并梢黑角梢末并面牛筋鋪背四節纏絲黑漆面硃漆背絲弦箭竹為幹木扣鐵箭頭柳葉形兩頭俱用牛筋并絲纏之加硃漆近扣加鴈翎囊二用黑斜皮為之

白澤旗二面紅一面紅質上下並外邊加黃欄赤火焰間彩脚傍竿處加紅腰中繡白澤飛狀及雲文旗身黃

欄火焰通長六尺六寸闊二尺九寸脚長五尺揭以硃
漆攢竹竿通長一丈三尺六寸九分內貼金木鎗頭長一
尺三寸五分飾以紅纓纂用鐵 青一面青質制同前
青旗二面純青質旗身火焰通長六尺六寸闊二尺九
寸脚長五尺揭以硃漆攢竹竿通長一丈一尺九寸九
分內貼金木鎗頭長一尺三寸五分飾以紅纓纂用鐵
後四色旗制同

紅旗二面 黃旗二面 白旗二面 黑旗二面

青素旗二十面純青質上闊八尺下四尺硃漆攢竹竿
通長一丈一尺三寸五分內貼金木鎗頭長一尺三寸
五分上飾以紅纓下有鐵纂

金鼓旗二面青質紅金鼓二字連腰闊一丈一尺五寸
下七尺硃漆攢竹竿通長一丈四尺九寸內貼金木鎗
頭長一尺五寸八分上飾以紅纓下有鐵纂

金龍畫角十二枝木質加黑漆餞金為飾上節實相花
中節纏身單龍雲文下節八寶雙海馬

花匡鼓二十四面木匡加硃油冒以革面徑一尺七寸
匡畫寶相花面畫雙獅綵毬懸以紅條

搥鼓二面制同花匡鼓但面闊一尺畫荷并葉匡畫寶
相花

金鉦二面銅質竹匡四傍用紅綆繫鉦於匡徑九寸五
分

金二面以銅為之徑一尺七寸

板二串板六各長一尺一寸上闊一寸九分下闊二寸

五分聯以青條

笛二管截竹為之六竅長一尺五寸

杖鼓二箇木匡細腰加黑漆餞金龍文兩頭以革冒之
聯以紅絨綆加銅龍頭鈎子以青絨匾條懸用

小銅角一對長三尺八寸加漆貼金

大銅角一對長三尺五寸七分漆貼金

纓頭一箇硃漆攢竹竿貼金木鎗頭鐵纂抹金銅頂綴
染紅氍牛尾為圓纓建于竿通長一丈一尺四寸九分

內鎗頭長一尺九寸五分

領頭四對硃漆攢竹杖銅裏兩末長四尺九寸

絳引旛一對硃漆竿帶貼金銅龍頭共長一丈二尺五寸內龍頭鈎一尺旛用五色平羅長六尺三寸闊五寸五分旛下有五色板四角寶蓋高七寸五分圍二尺七寸五分綠三簷共長一尺九寸抹金銅龍頭四箇抹金銅珮一十六箇銅鈴三十六箇後旛制作長短同腰皆用綠色描金香草文三簷金龍文凡幢旛麾節挑竿銅

龍頭俱以鐵為鈎蓋上抹金銅頂級花文

傳教幡一對與絳引幡制同但幡三簷用青幡用紅羅珮四鈴三十二中有黃額青傳教二字

告止幡一對與傳教制同但三簷用青額青告止二字蓋上抹金銅頂級花文

信幡一對與傳教制同但簷用黃額青信字

羽葆幢三對硃紅攢竹竿帶貼金銅龍頭共長一丈二尺五寸五分內龍頭鈎一尺銜抹金銅圈懸銅頂施白

羽綠羅寶蓋下以紅絲圓條貫紅纓簇圓凡五層每層上施抹金銅頂藍斜皮寶蓋綴銅鈴

儀鎧氅三對硃漆竿帶貼金頭通長一丈二尺五寸五分內貼金頭一尺三寸五分抹金銅旛頂一箇氅下銅鈴五箇氅用五色平羅長六尺三寸闊五寸五分

戈氅三對硃漆竿帶貼金頭通長一丈二尺五寸內貼金頭一尺六寸二分氅用五色平羅長六尺三寸闊五寸五分氅下銅鈴五箇

戟斃三對與戈斃制同惟貼金頭長一尺七寸五分
梧杖二對殊漆攢竹杖六尺九寸五分兩頭貼金為飾
儀刀二對刻木為刀鞘及靶貼金龍文為飾垂紅絲帔
鍔刀貼銀為地

班劍二對刻木為劍其上有靶靶下為龍頭含劍皆貼
金為飾垂紅絲帔鍔

金鉞二對殊漆攢竹柄貼金木鉞頭中為斧形承以貼
金龍頭通長六尺九寸內金鉞頭長一尺六寸五分

立瓜二對硃漆攢竹柄貼金木瓜立置其首承以貼金
龍頭通長六尺九寸內瓜及龍頭長一尺四寸

卧瓜二對與立瓜制同但瓜卧置其首瓜及龍頭長一
尺二寸五分

骨朶二對硃漆攢竹柄以貼金木骨朶置其首承以貼
金龍頭通長六尺九寸骨朶頭長一尺六寸

鐙杖二對硃漆攢竹柄以貼金木鐙置其首承以貼金
龍頭通長六尺九寸內貼金頭一尺六寸

及叉一對硃漆攢竹柄木為叉承以龍頭置于柄上貼金為飾通長一丈二尺五寸五分內叉及龍頭長二尺五分

戟十對硃漆攢竹竿通長一丈二尺五寸五分內貼金木戟頭長二尺五分

稍十對硃漆攢竹竿通長一丈二尺五分內貼金木稍及龍頭長一尺七寸

夾稍一對與稍制同但其首為夾稍

麾一把硃漆攢竹竿通長一丈二尺五寸五分內貼金
銅龍頭并鈎長一尺口銜銅索銅頂綴綠羅寶蓋青緣
泥金描香草文下垂染紅麾牛尾三層每層各加抹金
銅圓頂綠斜皮雲蓋各綴銅鈴

幢一把與麾制同但用麾牛尾纓五層

節一把與麾制同但用麾牛尾纓八層

金節二對與麾制同但麾牛尾纓八層及黃紗衣籠之
其上繡升龍四長七尺五寸闊一尺二寸

響節六對貼金攢竹柄長一丈二寸五分其首以鐵條貫銅鐵錢十二長一尺二寸五分黃銷金衣籠之長一尺五寸闊八寸節上加貼金木圓頂衣加龍文下有盤攀頂線四銅錢文天下太平

青方傘二把傘骨面闊并頂五尺五寸柄并葫蘆頭共長一丈一尺五寸九分其面冒以青羅垂青三簷金頂四角加抹金銅龍頭凡傘頂葫蘆皆木質貼金飾柄俱用竹加紅油間纏以藤惟曲柄傘硃紅漆攢竹為之

紅方傘二把傘骨面闊并頂五尺五寸柄并葫蘆頭共
長一丈一尺五寸九分其面冒以紅羅垂紅三簷傘頂
四角加抹金銅龍頭

紅銷金傘一把傘骨面闊并頂四尺二寸五分傘柄并
葫蘆頭共長一丈一尺二寸九分其面冒以紅羅垂紅
三簷銷金寶珠龍文邊香草文

紅繡直柄圓傘一把傘骨面闊并頂四尺二寸五分傘
柄并葫蘆頭共長一丈一尺二寸九分其面冒以紅羅

繡雲文垂紅三簷上簷雲龍下二簷瑞草文

紅繡曲柄圓傘二把傘骨面闊并頂四尺二寸五分傘柄并葫蘆頭共長一丈一尺二寸九分其面冒以紅羅繡雲文垂紅三簷瑞草文當曲柄處用鐵心貼金木龍頭承傘

紅繡花直柄傘二把傘骨面闊并頂四尺二寸五分傘柄并葫蘆頭共長一丈一尺二寸九分其面冒以紅羅繡雲文垂紅三簷寶相花抹金銀鈴全

紅圓傘二把傘骨面闊并頂四尺二寸五分傘柄并葫蘆頭共長一丈一尺二寸九分其面冒以紅羅垂紅三

簷

青圓傘二把傘骨面闊并頂四尺二寸五分傘柄并葫蘆頭共長一丈一尺二寸九分其面冒以青羅垂青三

簷

紅油絹銷金雨傘一把傘骨面闊并頂七尺傘柄并葫蘆頭共長九尺二寸九分其面銷金寶珠龍邊雲龍文

青繡孔雀圓扇六把連扇及柄通長一丈一尺二寸徑三尺三寸五分面背及風衣俱用青素線羅面繡升降孔雀雲文背銷金龍團花凡扇柄皆用攢竹加黑漆

青繡花圓扇四把連扇及柄通高一丈一尺二寸徑三尺三寸五分面背風衣俱用素青線羅面繡四季花背銷金龍團花文

紅繡花圓扇四把連扇及柄通高一丈一尺二寸徑三尺三寸五分面背并風衣俱用紅素線羅面繡四季花

文背銷金龍團花文

紅繡孔雀方扇四把連扇及柄通高一丈一尺二寸徑三尺三寸五分面背并風衣俱用紅素線羅面繡升降孔雀雲文背銷金寶珠文

青繡方扇四把孔雀翎邊連扇及柄通高一丈一尺二寸扇方連孔雀翎高二尺九寸五分扇中連孔雀翎邊闊二尺二寸五分面背俱用青素線羅邊用孔雀尾面繡升降孔雀雲文背繡金寶珠文

誕馬八匹紅轡青韁其上施錦韉韉以紅油皮為之

鞍籠一箇皮質紅油描金升降龍文邊香草文

金馬杌一箇木質金葉裏金釘裝釘釵盤龍文

金交椅一把木質金葉裏金釘裝釘椅中釵雲龍文穿

以紅絲匾條四垂紅絲帔鍔紅織金紵絲搭襠

金脚踏一箇木質金葉裏金釘裝釘釵方勝文紅織金

紵絲踏褥一

拂子二把舍以抹金銅龍首硃漆柄戲金龍文垂紅絲

帔鍔今拂用馬尾紅纓為心

紅紵絲拜褥一

金水盆一中釵盤雲龍文邊釵香草文

手巾一條

金水罐一箇有蓋有提小口巨腹

金香爐一箇兩耳三足有蓋釵雲龍文硃漆竿抹金銅

龍頭并尾

金香合一箇蓋釵龍文邊釵花文

金唾盂一箇形圓如缶蓋僅掩口下有盤釵龍文洪武

年間停造

金唾壺一小口巨腹有蓋釵龍文洪武年間停造

紅紗燈籠三對硃油竹骨以紅紗蒙之青紗為蓋下有燭盤硃漆竿貼金龍頭并尾

紅油紙燈籠三對硃油竹骨下有木座以竹絲編為籠加紅油紙硃漆竿貼金龍頭并尾

魷燈三對紅油鐵骨以魷為之餘同紙燈

仗馬二匹紅鞞紅轡上施韉領下垂紅纓飾磁珠絡鞍

全

金輅一乘高一丈二尺二寸九分闊八尺九寸輅上平盤板前後車櫺并鴈翅及四垂如意滴珠板其下轆三條皆硃紅漆轆各長一丈九尺五寸用抹金銅龍頭龍尾龍鱗葉片裝釘前施硃紅油馬搭攀皮一條平盤左右下護泥板及車輪二貫軸一每輪輻十有八條皆硃紅漆周圍輞全各以抹金釵蓮花瓣輪盤裝釘軸首左右各用漆貼一用抹金銅釵蓮花瓣輪盤裝釘軸首左右各用漆貼

金減鐵龍首插拴一箇以抹金銅釵龍頂管心裝釘軸
中纏紅絨駕轅等索面至地三尺二寸五分

輅亭高六尺四寸五分硃紅漆四柱各長五尺五寸檻
座高九寸五分其上四周線金五彩香草板門高五尺
九分闊二尺四寸五分左右門闊二尺二寸五分前并
左右各榻二扇明枕全皆硃紅漆後硃紅漆五山屏風
青地上雕木貼金龍五間以五彩雲文屏後硃紅漆板
皆抹金銅釵花葉片裝釘榻編紅線條穿硃紅漆匡軟

座紅絨墜座大索四條座下蓮花墜石軟座上施紅毯
紅錦褥并席硃紅漆坐椅一座納板一并褥椅中紅織
金椅靠坐褥四圍椅裙全周圍施紅羅幃幔或用紅綺
亭外用青綺緣邊硃紅簾十二扇各用拽簾紅線圓條
二條黃銅圈全坐椅雕貼金龍彩雲下線金彩雲板一
亭內編紅線條穿

輅頂并圓盤高二尺五寸九分又鍍金銅寶珠頂帶仰
覆蓮座高九寸垂攀頂紅線圓條四條盤上硃紅漆其

下内外皆青地繪雲文以青飾輅蓋亭内周圍青斗拱承以硃紅漆匡寶蓋闌以八頂冒以紅綺頂心繡雲龍一餘繡五彩雲文

天輪三層皆硃紅漆上安雕木貼金邊耀葉板七十二片内飾青地雕木貼金雲龍文三層間繪五彩雲襯板七十二片盤下周圍黃銅釘裝上施紅綺瀝水三層每層七十二摺間繡五彩雲龍文四角垂青綺絡帶四條各繡五彩雲升龍二圓盤四角連平盤板用攀頂紅線

圓條四條并貼金木魚

輅亭前一字闌干一扇後一字帶轉角闌干一扇左右
闌干二扇內嵌五彩雲板皆硃紅漆四扇計一十四柱
各柱首雕木貼金蹲龍一用線金五彩蓮花抱柱闌干
四周內布花毯

紅旗二面在輅亭後左右用紅線羅夾為旗每面九旂
每旂內外繡升龍一硃紅漆攢竹旗竿二左竿旗腰繡
日月北斗竿首用抹金銅龍頭右竿旗腰繡敝字竿首

用抹金銅戟每竿綴抹金銅鈴二垂紅纓九纓上施抹金銅寶蓋下垂帔鍔

踏梯一硃紅漆以抹金銅釵花葉片裝釘

行馬架三硃紅漆其上紅絨匾條用抹金銅葉片裝釘
鐵搭鈎全

紅絹幘衣即遮塵油絹雨衣并紅氍衣各一座

硃紅油合扇梯一副硃紅油托叉一件

馬鞍韉鞞轡鈴纓全

油繪寶相花抹金銅環釵四用硃紅漆木扛二紅絨綆
舉之

鼓衣一用紅綺織綵色雲龍其下邊黃纓絡紋瀝水織
瑞草文

板一串每串用鐵力木六片貫以青絲條長闊同前制
并綵線帔鍔

杖鼓十二箇每箇二面其下鐵圈口二一面冒以犢皮
徑一尺二寸五分一面冒以山羊皮徑一尺三寸冒縫

用紅皮掩錢細腰木匡廣一尺七寸九分黑漆戩金枝
葉寶相花文以紅絨綆一條聯絡抹金銅龍頭鈎子十
六箇各有襯鈎紅皮硃紅生革描金龍束子八箇懸以
綠絨匾條用抹金銅龍頭搭鈎二箇并鈎圈

鼓衣一以紅綺一幅長三尺五寸織青龍文并五彩雲
文周圍黃絨織香草文

看杖硃紅漆竹片帶雕木貼金龍頭垂紅綠結子打杖
以硃紅漆竹片為之

龍笛二管每管以竹為之兩末牙管束長一尺七寸五分一孔在前其後七孔無底橫吹之貼金木龍頭垂彩線帔鍔

笙二攢每攢用紫竹十七管下施銅簧參差攢于黑漆木匏中有觚項亦黑漆垂彩線帔鍔

箜篌二把每把用梓木為身闊五寸厚六寸直長四尺八寸并柄上雕龍頭中嵌花板雕盤龍一俱沈香色描金附以烏木引條繫二十絃下橫施引手并描金沈香

色龍頭通長二尺二寸五分上施烏木軸子二十中有
柱手用烏木製成竹節兩末雕龍頭描金長一尺二寸
五分兩龍頭各垂綵線帔鍔

纂二架每架用楸木為質長三尺九寸中虛四周烏木
邊上施九絃并柱子九面繪金龍并彩雲文纂尾垂綵
線帔鍔二承以硃紅漆架四角貼金龍頭四各垂綵線
帔鍔

琵琶二把每把用鐵力木為質梓木面板鳳眼二匙頭

并項通長三尺五分闊一尺二寸五分匙頭并項一軸
子四扶手山口各一皆用烏木四絃背有烏木椿楸二
上施抹金銅環并鈎搭負以綠絨匾條匙頭上施綵線
帔鍤一大小斑竹品十二烏木撥一用牙嵌

方響二架每架用鐵方響十六厚薄不等應六律六呂
四清聲以鐵條四裏以黃氈橫置架內貫而列之為二
層每層方響八承以硃紅漆木架左右二柱并上下匡
俱餞金花文架高五尺闊二尺二寸上用雕木五彩花

板一其上雕木貼金龍一間以五彩雲架上貼金火焰
寶珠一左右兩如意雲上施貼金二龍頭口銜紅綠帔
鍍其下雕飾五彩線金芝草文

頭管二管每管以烏木為之長六寸八分九孔前七後
二兩末以牙管束以蘆為稍無底直吹之

簫二管每管以紫竹為之長一尺九寸六孔間纏以絃
線裏以錫箔無底直吹之

明會典卷一百五十一

欽定四庫全書

明會典卷一百五十二

工部六

儀仗五

親王儀仗

世子同

令旗一對紅素綾質中黃綾為令字闊二幅上長六尺
九寸下三尺六寸硃漆攢竹竿通長八尺二寸內鐵纂
五寸柄或以木為之

清道二對硃漆攢竹杖銅裹兩末長四尺九寸

幟弩一張并箭紫幟蓋以帛為之洪武年間停造

刀盾一十對盾制以木畫獅頭加飾硃漆刀金塗紅靶綠鞘紅綠間點魴魚皮為飾帶青條紅穗洪武年間停造
弓箭二十副每副弓一橐二刺綠斜皮條雲子鐵釘鉸
絡於韋帶箭三十枝以竹為之上黑翎下鐵鏃洪武年
間停造

白澤旗一對紅質黃欄赤火焰脚繡白澤形為飛狀旗

上四角五色雲子皆繡成竿長一丈三尺六寸九分內貼金木鎗頭一尺三寸五分上紅纓下鐵纂柄或以木為之

金鼓旗一對紅質黑金鼓二字闊二幅硃漆攢竹竿通長一丈四尺九寸末有鐵纂上飾紅纓并貼金木鎗頭畫角十二枝木質黑漆餞金上寶相花中單龍纏身雲文下八寶雙海馬為飾

花匡鼓二十四面紅油匡畫寶相花釘環鉞皆擺錫粉

塗革面畫獅子繡毬徑一尺七寸掛以紅絨匾條以木為質

杖鼓二面黑漆木匡細腰餞金花文粉塗革面掛以青絨匾條

金鈺二面以響銅為之徑九寸邊有小竅外以紅竹匡絡以紅絨綆

鑼二面鑼口徑一尺三寸

搥鼓二面紅油木匡畫寶相花粉塗革面畫荷并葉鐵

釘環鉞皆擺錫懸以紅絨綆

板一串鐵力木板六各長一尺一寸上闊一寸九分下

闊二寸五分聯以青條

笛二管以竹為之長一尺六寸六孔

小銅角一對以銅為之高三尺五寸加硃漆描金雲龍

文

大銅角一對以銅為之高三尺四寸八分硃漆描金升

降雲龍文

戲竹一對硃漆竹柄通長六尺內貼金木龍頭七寸竹絲二十四莖長四尺五寸上垂紅綠帔鍔

大樂鼓一面紅油木匡畫寶相花冒以革傳以粉畫荷并葉匡高一尺六寸面徑二尺貼金銅釘鉞環木紅絹鼓衣畫盤螭并花文舉以紅木扛紅絨匾條

板一串制同前但加紅綠帔鍔

杖鼓十二面制同前但加木紅絹鼓衣畫盤螭并花文及有貼金木魚首銜紅綠帔鍔名魚頭鞭

笛四管制如前貼金木龍頭通長一尺七寸鹿角管束
兩末八孔龍口銜紅綠帔鍔

頭管四管以烏木為管六寸八分以牙管束卷蘆為稍
九竅

絳引旛一對每把硃漆攢竹竿帶貼金銅龍頭長一丈
二尺五寸內龍頭一尺旛用五色平羅長六尺三寸闊
五寸五分四角紅羅蓋高七寸五分圍二尺七寸五分
蓋上有抹金銅頂釵花文綠二簷共長一尺九寸紅綠

幘鍔四自此至信幘腰皆用綠色描金香草二簷銷金雲文幘下綴五色板自此至節凡竿柄或以木為之凡挑竿銅龍頭皆以鐵為鈎

傳教幘一對每把硃漆攢竹竿帶貼金銅龍頭共長一丈二尺五寸內龍頭一尺幘用紅平羅長六尺三寸闊五寸五分四角紅羅蓋高七寸五分圍二尺七寸五分蓋上抹金銅頂釵花文青二簷共長一尺九寸幘上黃羅牌內書青傳教二字紅綠幘鍔四以羅為之

告止旛一對制同傳教但紅平羅二簷黃羅牌內書青
告止二字

信旛一對制同傳教但黃平羅二簷黃羅牌內書青信
字

儀鎧氅一對硃漆攢竹竿通長一丈二尺五寸五分內
貼金木儀鎧并龍頭一尺三寸五分抹金銅氅頂一箇
氅用五色平羅長六尺三寸闊五寸五分氅下銅鈴五
箇

戈斃一對硃漆攢竹竿通長一丈二尺五寸內貼金木
戈并龍頭一尺六寸二分五色平羅斃長六尺三寸闊
五寸五分下綴銅鈴五箇斃上硃漆木板

戟斃一對制同前但貼金木戟并龍頭長一尺七寸五
分

梧杖一對硃漆攢竹為之杖通長六尺九寸五分兩末
貼金

儀刀四對刻木為刀鞘并靶銀地貼金為螭虎文紅帔

鍔

班劍一對刻木為劍并靶靶下有龍頭皆貼金惟劍貼

銀紅帔鍔

斧一對硃紅攢竹柄通長六尺九寸內貼金木斧并龍頭長一尺六寸五分

立瓜一對硃漆攢竹柄通長六尺九寸內貼金木立瓜及龍頭一尺四寸

卧瓜一對硃漆攢竹柄通長六尺九寸內貼金木卧瓜

并龍頭一尺二寸五分

骨朶一對硃漆攢竹柄通長六尺九寸內貼金木骨朶
并龍頭一尺六寸

鐙杖一對硃漆攢竹柄通長六尺九寸內貼金木鐙杖
并龍頭一尺六寸

及叉一對硃漆攢竹竿貼金木及并龍頭通長一丈二
尺五寸內龍頭一尺八寸五分

戟十對硃漆攢竹竿通長一丈二尺五寸五分內貼金

木戟及龍頭二尺五分

稍十對硃漆攢竹竿通長一丈二尺五寸內貼金木稍及龍頭一尺七寸

夾稍一對制同前但其首為夾稍

麾一把硃漆攢竹竿帶貼金銅龍頭共長一丈二尺五寸五分內挑竿龍頭鐵鈎一尺綠蓋下三紅纓為二層每層各綴抹金銅頂藍斜皮雲蓋下綴銅鈴其綠蓋上抹金銅頂釵花文

幢一把制同麾但為五纓五層

節一把制同麾但為八纓八層

響節四對漆貼銀攢竹竿通長一丈二寸五分內鐵條
長一尺二寸五分貫銅鐵錢十二衣用紅平羅銷金鳳
文長一尺五寸闊八寸上加貼金木圓頂并木盤攀頂
絨線四條錢文天下太平

紫方傘一把每把傘骨面闊并頂徑四尺傘柄并貼金
木葫蘆共長一丈九寸面用紫平羅紫三簷其頂四角

抹金銅龍頭四箇凡傘柄俱用紅油竹間纏以藤惟曲柄硃漆攢竹為之

紅方傘二把每把傘骨面闊并頂徑四尺傘柄并貼金木葫蘆共長一丈九寸面用紅平羅紅三簷其頂四角抹金銅龍頭四箇

紅銷金傘一把傘骨面闊并頂徑四尺一寸五分傘柄并貼金木葫蘆長一丈九寸面用紅平羅銷金寶珠團文紅三簷銷金香草邊寶珠龍文

紅繡圓傘一把傘骨面闊并頂徑四尺一寸五分傘柄并貼金木葫蘆共長一丈九寸面用紅平羅紅三簷頂繡雲文簷繡瑞草

紅曲柄傘二把每把傘骨面闊并頂徑四尺一寸五分傘柄并貼金木葫蘆共長一丈九寸面用紅平羅紅三簷當曲柄處用鐵心貼金木龍頭承傘

紅油絹銷金雨傘一把傘骨面闊并頂徑六尺四寸傘柄并貼金木葫蘆共長八尺六寸面銷金寶珠龍文邊

銷金雲龍文

青繡圓扇四把每把扇及黑漆竹柄通高一丈七寸五分內扇見圓高三尺三寸五分面背并風衣用青平羅面繡升降孔雀雲文背銷金龍團花文凡扇柄俱以攢竹為之

紅繡圓扇四把每把扇及黑漆竹柄通高一丈七寸五分內扇見圓高三尺三寸五分面背并風衣用紅平羅面繡四季花背銷金龍團花文

紅繡方扇四把每把扇及黑漆竹柄通高一丈七寸五分內扇面徑高三尺三寸五分面背并風衣用紅平羅面繡升降孔雀雲文背銷金寶珠團文

誕馬八匹紅轡青韁上施錦韉韉以紅油皮為之

鞍籠一箇皮質紅油貼金升降龍文邊香草文

馬杌一箇木質銀葉裏銀釘鉸中鈹盤龍文間抹金

拂子二把黑漆木柄用銅環銅釘鉸繫素氈牛尾末垂紅帔鎔今拂用馬尾紅纓為心

交椅一把木質銀葉裏銀釘鉸中鉸花雲龍文穿以紅絲匾條四垂紅帔錯椅間抹金紅織金紵絲襪襠

脚踏一箇木質銀葉裏銀釘鉸鉸方勝文間抹金紅織金紵絲踏褥

水盆一箇寬緣平底鉸盤龍邊鉸香草文銀質間抹金手巾一條

水罐一箇有蓋有提小口巨腹鉸花文銀質間抹金香爐一箇兩耳三足有蓋鉸龍文硃漆竿貼金龍頭并

尾爐銀質渾抹金

香盒一箇蓋釵龍文邊釵香草銀質渾抹金

唾盂一箇形圓如缶蓋僅掩口盤釵龍文銀質間抹金
洪武年間停造

唾壺一箇小口巨腹有蓋釵香草文銀質間抹金洪武
年間停造

紅紵絲拜褥一

紅紗燈籠二對紅油竹骨下有燭盤蒙以紅紗玉色紗

蓋硃漆竿貼金龍頭并尾

紅油紙燈籠二對紅油竹骨下有燭盤木座以竹絲編為籠加紅油紙硃漆竿貼金龍頭并尾

魷燈一對紅油鐵骨以魷為之餘同紙燈

帳房一座幃幙全以青綿布為之綠色螭頭硃漆柱并帳竿竿首各施彩粧蹲獅頂用氈

象輅一乘高一丈一尺六寸九分闊七尺九分輅上平盤板前後車櫺并鴈翅板其下轅三條皆硃紅漆轅各

長一丈八尺五寸用抹金銅龍頭龍尾葉片裝釘前施
硃紅油馬搭攀皮一條平盤左右下護泥板及車輪二
貫軸一每輪輻十有八條皆硃紅漆周圍輞全各以抹
金銅葉片裝釘輪內車轂各一用抹金銅釵蓮花瓣輪
盤裝釘軸首左右各用紅漆鐵插拴一箇以抹金銅釵
龍頂管心裝釘軸中纏紅絨駕轅等索面至地三尺五
分

輅亭高五尺二寸九分硃紅漆四柱其長同檻高一寸

四分其上周圍硃紅漆條環板門高四尺五寸九分闊
二尺二寸五分左右門闊同前并左右各硃紅漆上明
下暗榻二扇明杌全抹金銅鈹花葉片裝釘後硃紅漆
五山屏風屏後板俱用抹金銅鈹花葉片裝釘亭底硃
紅漆板上施紅花毯紅錦褥并席硃紅漆坐椅一座硃
紅漆納板一并褥椅中紅織金椅靠坐褥四圍椅裙全
周圍施紅羅幃幔或用紅綺亭外用青綺緣邊硃紅簾
十二扇各用拽簾紅線圓條二條黃銅圈全

輅頂并圓盤高二尺四寸五分又抹金銅寶珠頂帶仰覆蓮座高九寸垂攀頂紅線圓條四條盤上下皆硃紅漆以青飾輅蓋內寶蓋硃紅漆木匡闕以八頂冒以紅綺頂心繡雲龍一餘繡五彩雲文

天輪三層皆硃紅漆上安雕木貼金邊耀葉板六十三片內飾青地雕木五彩雲文三層間繪五彩雲襯板六十三片盤下周圍黃銅釘裝上施紅綺瀝水三層每層八十一摺繡瑞草文前垂青綺絡帶二條各繡升龍二

并五彩雲文圓盤四角連輅座板用攀頂紅線圓條四條并紅漆木魚

輅亭前一字欄干一扇後一字帶轉角欄干一扇左右欄干各一扇內嵌條環板皆硃紅漆四扇計一十四柱各柱首雕木紅蓮花一用線金青綠粧蓮花抱柱前欄干櫺板上布花氈

紅旗二面在輅亭後左右用紅線羅夾為旗每面六旂每旂內外繡升龍一紅漆攢竹旗竿二左竿旗腰繡日

月北斗竿首用抹金銅龍頭右竿旗腰繡獸字竿首用抹金銅戟各竿綴抹金銅鈴二垂紅纓五纓上各施抹金銅花蓋下垂帔鍔

踏梯一硃紅漆以抹金銅釵花葉片裝釘

行馬駕三硃紅漆其上紅絨匾條用抹金銅葉片裝釘
鐵搭鈎全

紅絹幘衣即遮塵油絹雨衣并氈衣各一座

郡王儀仗

令旗一對紅質黃令字硃漆攢竹竿通長八尺二寸下有鐵纂柄或以木為之

清道一對硃漆攢竹杖銅裹兩末長四尺九寸

幟弩一張并箭紫幟蓋以帛為之自此至弓箭俱洪武年間停造

刀盾八對盾制以木上畫獅子下飾硃漆刀金塗紅靴綠鞘紅緣間點魴魚皮為飾帶青條紅穗

弓箭十八副每副弓一橐二黑質紅緣刺綠斜皮雲子

鐵釘鉸絡于韋帶箭三十枝以竹為之上用翎下鐵鍬
金鼓旗一對紅質黑金鼓二字闊二幅硃漆攢竹竿并
貼金木鎗頭通長一丈四尺九寸末有鐵纂上飾紅纓
畫角十枝木質黑漆餞金文上寶相花中單龍纏身雲
文下八寶雙海馬為飾

花匡鼓二十面木質紅油匡畫寶相花釘鉸環皆擺錫
粉塗革面畫獅子繡毬徑一尺七寸掛以紅絨匾條

搨鼓一面紅油木匡畫寶相花粉塗革面畫荷并葉鐵

釘環鉞皆擺錫懸以紅絨綆

金鈺一面以響銅為之徑九寸邊有小竅外以紅竹匡絡以紅絨綆

鑼二面鑼口徑一尺三寸

板一串鐵力木板六各長一尺一寸上闊一寸九分下闊二寸五分聯以青條

笛二管以竹為之長一尺六寸六孔

戲竹一對硃漆竹柄通長六尺內貼金木龍頭七寸竹

絲二十四莖長四尺五寸上垂紅綠帔鍔

大樂鼓一面紅油木匡畫寶相花冒以革傳以粉畫荷
并葉匡高一尺六寸面徑二尺抹金銅釘鉞環木紅絹
鼓衣畫盤螭并花文舉以紅木扛紅絨條

板一串制同前但加紅綠帔鍔

杖鼓八面黑漆木匡細腰餞金花文粉塗革面聯以紅
綆掛以青條木紅絹鼓衣畫盤螭并花文及有貼金木
魚首銜紅綠帔鍔名魚頭鞭

笛四管貼金木龍頭通長一尺七寸鹿角管束兩末八孔龍口銜紅綠帔鍔

頭管四管以烏木為管長六寸八分以牙管束卷蘆為梢九竅

絳引旛一對每把硃漆攢竹竿帶貼金銅龍頭長一丈二尺五寸內龍頭一尺旛用五色平羅長六尺三寸闊五寸五分四角紅羅蓋高七寸五分圍二尺七寸五分蓋上有抹金銅頂釵花文綠二簷共長一尺九寸紅綠

幘鍔四自此至信旛腰皆用綠色描金香草文二簷銷金雲文旛下綴五色板自此至節凡竿柄或以木為之挑竿銅龍頭皆以鐵為鈎

傳教旛一對每把硃漆攢竹竿帶貼金銅龍頭共長一丈二尺五寸內龍頭一尺旛用紅平羅長六尺三寸闊五寸五分四角紅羅蓋高七寸五分圍二尺七寸五分綠腰描金香草文紅二簷共長一尺九寸銷金雲文旛上黃羅牌內書青傳教二字四垂紅綠幘旛下綴五

色板

告止旛一對制同前傳教但青平羅二簷黃羅牌內書
青告止二字凡旛帔鍔以羅為之蓋上銅頂釵花文

信旛一對制同傳教但黃平羅二簷黃羅牌內書青信
字

梧杖一對硃漆攢竹杖兩末貼金通長六尺九寸五分
儀刀二對刻木為刀鞘并靶銀地貼金為螭虎文紅帔
鍔

立瓜一對硃漆攢竹柄通長六尺九寸內貼金木質瓜頭及龍頭一尺四寸

骨朶一對硃漆攢竹柄通長六尺九寸內貼金木骨朶及龍頭一尺六寸

斧一對硃漆攢竹柄通長六尺九寸內貼金木斧長一尺六寸五分

戟八對硃漆攢竹竿通長一丈二尺五寸五分內貼金木戟及龍頭二尺五分

稍八對硃漆攢竹竿通長一丈二尺五分內貼金木稍
及龍頭一尺七寸

麾一把硃漆攢竹竿帶貼金銅龍頭通長一丈二尺五
寸五分內龍頭鐵鈎一尺綠蓋下三紅纓為三層每層
各綴抹金銅頂藍斜皮雲蓋下綴銅鈴其綠蓋上抹金
銅頂釵花文

幢一把制同麾但為五纓五層

節一把制同麾但為八纓八層

響節三對硃漆貼銀攢竹竿通長一丈二寸五分內鐵條長一尺二寸五分貫銅鐵錢十二衣用紅平羅銷金鳳文長一尺五寸闊八寸上加貼金木圓頂下有盤攀頂線四條銅錢文天下太平

紅銷金圓傘一把傘骨面闊并頂徑四尺一寸五分傘柄并貼金木葫蘆共長一丈九寸面用紅平羅紅三簷銷金香草雲文邊凡傘柄俱用紅油竹間纏以藤惟曲柄硃漆攢竹為之

紅圓傘一把傘骨面闊并頂徑四尺一寸五分傘柄并貼金木葫蘆共長一丈九寸面用紅平羅畫雲文紅三簷畫瑞草文

紅曲柄傘二把每把傘骨面闊并頂徑四尺一寸五分傘柄并貼金木葫蘆共長一丈九寸面用紅平羅紅三簷當曲柄處用鐵心貼金木龍頭承傘

紅方傘二把每把傘骨面闊并頂徑四尺傘柄并貼金木葫蘆共長一丈九寸面用紅平羅紅三簷其頂四角

抹金銅龍頭四箇

青圓扇四把每把扇及黑漆攢竹柄通高一丈七寸五分內扇見圓高三尺三寸五分面背風衣俱用青平羅面畫升降孔雀雲文背銷金龍團花文

紅圓扇四把每把扇及黑漆攢竹柄通高一丈七寸五分內扇見圓高三尺三寸五分面背并風衣俱用紅平羅面畫四季花背銷金龍團花文

誕馬四匹紅轡青韁紅油皮韉

鞍籠一箇皮質紅油貼金升降龍文并邊香草文

馬杌一箇木質銀裏銀釘鉸中鉸盤龍文間抹金

拂子二把黑漆木柄用銅環銅釘鉸繫素毳牛尾末垂紅帔鍔今拂用馬尾紅纓為心

交椅一把紅織金紵絲裕襠木質銀葉裏銀釘鉸中鉸花雲龍文穿以紅匾條四垂紅帔鍔間抹金

脚踏一箇紅織金紵絲踏褥木質銀葉裏銀釘鉸鉸方

勝文間抹金

水盆一箇手巾一條寬緣平底鈹盤龍邊鈹香草文銀質間抹金

水罐一箇有蓋有提小口巨腹鈹花文銀質間抹金

香爐一箇兩耳三足有蓋鈹龍文硃漆竿貼金龍頭并尾銀質渾抹金

香盒一箇蓋鈹龍文邊鈹香草文銀質渾抹金

紅紵絲拜褥一

紅紗燈籠二對紅油竹骨下有燭盤蒙以紅紗玉色紗

蓋硃漆竿貼金龍頭并尾

魷燈一對紅油鐵骨下有燭盤木座以魷籠之竿同紗燈

帳房一座以青綿布為之綠色螭頭硃漆柱并帳竿竿首各施彩粧蹲獅頂用氈

明會典卷一百五十二